



Na osnovu člana 69. stav 3. i 70. stav 1. 4. i 6. Zakona o javnim nabavkama („Službeni glasnik BiH“, broj 39/14 i 59/22), u otvorenom postupku za zimsku službu na lokalnim i nerazvrstanim putevima za sezonu 2023/2024, Zimska služba, grupa 6: Perin Han, Mošćanica i grupa 8: Lašva, Janjići i Raspotočje (LOT 4), Gradonačelnik donosi:

ODLUKU

o poništenju postupka javne nabavke - Zimska služba, grupa 6: Perin Han, Mošćanica i grupa 8: Lašva, Janjići i Raspotočje (LOT 4)

Član 1.

Poništava se LOT 4 - Zimska služba, grupa 6: Perin Han, Mošćanica i grupa 8: Lašva, Janjići i Raspotočje, u okviru otvorenog postupka javne nabavke za zimsku službu na lokalnim i nerazvrstanim putevima za sezonu 2023/2024, iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a u skladu sa članom 69. stav 3. Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-22282/23 od 23.10.2023. godine. Obavještenje o nabavci broj: 1355-1-2-249-3-254/23 objavljeno je na Portalu javnih nabavki dana 26.10.2023. godine i u Službenom glasniku broj: 76/23 od 03.11.2023. godine.

Procijenjena vrijednost za predmetnu nabavku iznosila je 123.000,00 KM bez PDV-a.



Treba naglasti da je ugovorni organ Grad Zenica, već jedanput objavio postupak Zimska služba na lokalnim i nerazvrstanim putevima za sezonu 2023/2024, broj obavještenja: 1355-1-2-183-3-182/23 od 14.08.2023. godine, što je daleko prije početka zimske službe (početak zimske službe je 15.11.).

Navedeni postupak je poništen, tj. sva četiri lot-a koje je obuhvatala predmetna nabavka su poništeni zato što su sve ponude bile neprihvatljive (iznosi ponuda premašuju iznose procijenjene vrijednosti).

Nakon poništenja prvog postupka, Ugovorni organ povećava procijenjenu vrijednost i objavljuje novi postupak za zimsku službu, broj obavještenja: 1355-1-2-249-3-254/23 od 26.10.2023. godine.

U krajnjem roku za prijem ponuda, za LOT 4 - Zimska služba, grupa 6: Perin Han, Mošćanica i grupa 8: Lašva, Janjići i Raspotočje, ugovorni organ zaprimio je dvije ponude, ponuda ponuđača „ŠPIC BETON“ d.o.o. Zenica i ponudu ponuđača „ALBA Zenica“ d.o.o. Zenica.

Ugovorni organ Grad Zenica donosi Odluku o izboru najpovoljnijeg ponuđača za LOT 4 - Zimska služba, grupa 6: Perin Han, Mošćanica i grupa 8: Lašva, Janjići i Raspotočje, broj: 02-11-22282-5/23 od 22.01.2024. godine koju je dostavio svim ponuđačima.

Ponuđač „ALBA Zenica“ d.o.o. Zenica, putem advokata Mladen Veseljak, izjavio je žalbu na Odluku o izboru najpovoljnijeg ponuđača za LOT 4.

Izjašnjenje po žalbi broj: 02-11-22282-6/23 od 05.02.2024. godine, zajedno sa cjelokupnom dokumentacijom poslano je Uredu za razmatranje žalbi dana 05.02.2024. godine, koje je Ured zaprimio dana 08.02.2024. godine.

Ured za razmatranje žalbi donosi Rješenje broj: JN2-01-07-1-445-6/24 od 28.02.2024. godine kojim se usvaja žalba ponuđača „ALBA Zenica“ d.o.o. Zenica, te se poništava Odluka o izboru najpovoljnijeg ponuđača broj: 02-11-22282-5/23 od 22.01.2024. godine te se predmet vraća ugovornom organu na ponovni postupak.

Postupak javne nabavke se okončava na jedan od dva načina: zaključenjem ugovora (dodjelom ugovora) ili poništenjem postupka javne nabavke.

Komisija za javne nabavke smatra da se postupak treba ponišiti iz razloga nemogućnosti okončanja postupka dodjelom ugovora zbog proteka roka iz tenderske dokumentacije.

U tenderskoj dokumentaciji je jasno propisan period trajanja ugovora - 4 mjeseca, jer zimska služba traje od 15.11.2023. do 15.03.2024. godine. (122 dana). Obrazloženje dato u Zapisniku Komisije o ocjeni ponuda broj: 11-11-22282-21/23 od 25.04.2024. godine.



BOSNA I HERCEGOVINA
FEDERACIJA BOSNE I HERCEGOVINE

GRAD ZENICA

S obzirom na gore navedeno, Ugovorni organ poništava postupak javne nabavke u skladu sa članom 69. stav 3. Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.


Broj: 02-11-22282-8/23

Datum: 25.04.2024. godine

DOSTAVLJENO:

- 2 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

GRADONAČELNIK:


Fuad Kasumović

